

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Olympic tinzawnin Mizoram sorkarin thla thar atangin, Grassroots Sports Development Programme (GSDP) a kalpui dawn.
- 2. Aizawl District Police Officer te chuan hnamdang Mizorama an awm theihna ILP neilo te ngawrh zawk a dapchhuah an rel.
- 3. Parliament chuan Online Gaming Bill 2025 a pass.
- 4. I.N.D.I.A. bloc Vice President Candidate, Supreme Court Judge hlui B Sudershan Reddy an vawiin khan Parliament House-ah nomination a thehlut.



GSDP

Mizoram sorkarin thla thar atangin, Grassroots Sports Development Programme (GSDP) a kalpui dawn a, Olympic Vision Sports leh Popular Sports en kawp chungin Sports discipline pakua -ah hma lak a tum a ni.

Vawiin khan Sports & Youth Services Minister, Mizoram State Sports Council (MSSC) President ni bawk Pu Lalnghinglova Hmar chuan Aizawla Ramhlun Indoor stadium-ah GSDP hi a hawnga, kumin september thla atangin thla ruk chhung kal pui a ni a. Zirlai naupang kum 6 – 14 inkarte infiamna nihphung leh bul thut inzirtirna hman tur a ni.

GSDP ah hian Archery, Badminton, Boxing, Football, Hockey, Judo, Taekwondo, Weightlifting leh Wrestling te thlur bik a ni dawn a, Mizoram hmun hrangah Centre 46 ruahman a ni a, heng center thlanna ah hian State Level Sports Association te rawn niin, anni’n Talent awmna ni a an hriat khuaah Center te hi dah a ni. Center tin te hian sawrkar sikul nghan chhan nei zel tur a ruahman a ni.

Sports Minister Pu Lalnghinglova Hmar chuan kum 2036-a India in Olympics thlen a tumah Mizo infiammi an tel ve theih nan Grassroots Sport Development Programme chu tih tak zeta kalpui a tul a ti a, naupangteah danglamna a thlen ngei tur a ni tih sawiin sum sen thlawn a nih tawh loh nan tih dan ngai reng a kal chuan rahchhuah ngai reng an neih thin avangin GSDP chu a danglam dawn a ti a, India in kum 2036-a Olympics thlen a tumah Mizoram pawh tel tir ve ngei an duh a, ram pum huap leh khawvel huap inelnaah te tel ve thei tur chuan a bulthut atanga inbuatsaih tan a ngai a ti a, chuang chuan School Education Department atangin Mizoram States Sports Council hnenah hlanhhawn a ni tih a sawi.

(BYTE)

Ruahman dan chuan, ee programme hi sikul naupangte zirlai pangngai tibuai lo tura kalpui tur a ni a. Kar khatah nithum aia tlem lo traning an nei thin ang a, sikul

chawlhah uar zawkin Training hi an nei thin ang. Naupang ten thla 6 chhungin minute 9,000 bawr vel training nei tur a beisei a ni.

Training neih chhung hian Sports mai bakah, Mizo nun zemaw inzirtirna te, ruihhlo leh zuk leh hmuam that loh zia te inzirtir tel tur a beisei an ni a. Hei bakah hian an phak tawk theuhah vantlang tana tangkai, hmun hma tihfai leh enkawl te pawh bilh tel tur a beisei an ni.

National hockey player leh National umpire ni lai, K.Ngaihpari chuan GSDP kal dan chu naupang tan a tha hle a ti a, Hockey bikah phei chuan bul tanna atan duhthusam nia a hriat thu sawiin, zirna changtlung zawkah te zir chhovin national leh international level tournament thlengin an khelh theih phah thin a, GSDP chuan naupang talent nei tha tak tak, an theihna pho chhuahna tur hun nei remchang lote zawnchhuah chu a tum ber a nih thu a sawi a ni.

<><><>

MPYCC PRESS CONF

Congress thalai chuan Chief Minister Pu Lalduhoma chu Mizo mipuite hnenah thudiklo sawi chingah an puh a, hei hi bansan turin an phut tih an sawi.

Vawiina Aizawl Press Club a thuthar thehdarhtute an kawmnaah, MPYCC Sr. vice President Pu Ngurdingliana Pachuau chuan Thawhtannia CM Pu Lalduhoma’n a facebook ah Border Security Force (BSF) a Mizo thalai 300, mipa 255 leh hmeichhia 45 lakna tur chu Union Home Minister Pu Amit Shah hnena a dil chhuah anga a sawi chu thudiklo hulhual a ni tih sawiin, kum 2023 khan Ministry of Home Affairs chuan India ram pumpui tan BSF Constable 3588 lak phalna a pe a, kum 2024 April thlaah Parliament (Lok Sabha) inthlanpui neih a nih vangin hmalak chhunzawm mai theih a ni lo a, a chhunzawm nan tunhnai hian BSF hnaruak hnawh khah leh mek a ni a, Mizoram bika BSF 300 lakna tur advertisement chhuak mek pawh hi chumi tho chu a ni a ti. Mizoram rual hian Meghalaya state tan BSF post 300 advertisement a chhuak ve mek bawk tih sawiin Mizoram leh Meghalaya a BSF lak tur hi a inzat chiah a, Meghalaya state ta tur pawh hi Chief Minister sawi chhuah ve tho a ni em tih zawhna a zawt nghal a ti.

Byte: MPYCC

MPYCC Sr. vice President chuan Chief Minister-in Social Media kaltlanga a thu post dangah India Sipai Agniveer lakna kalpui mek chu MLA Lt. Col Clement Lalhmingthanga’n a vil reng bakah, Sports Minister Pu Lalnghinglova Hmar thahnemngaihna zarah Sport Quota atangin mi 12 an tlin thu a tarlan pawh Politics tenawm tak a ni a ti a, hnalak chungchang tihbawrhanna leh mipui rilru hruai sual tumnaah an ngai tih a sawi a. India Sipai, BSF leh a dang te laknaah state sawrkar Minister ten tih theih an neilo a ti a, India Army inkaihhruaina tihhminghliaunaah an ngai tih a sawi.

Kumin Independence Day vawi 79-na lawmna AR Lammuala CM thusawi ah ZPM party public meeting ang maiin Party dang beihna te, mahni party fak vakna te a telh a, Independence day-ah hetiang thusawi an la hre ngai lo a ti a, a thusawiah sorkarin CBI a koh luh thu a sawi laiin, sorkarin a thu a sut leh tih a sawilo te, Mizoram sorkar leibat zat thudiklo a sawi te chu a ngaimawhawm hle a an hriat thu a sawi a ni.

<><><>

ILP

Aizawl District Police Officer te vawiina Aizawl SP Office a thukhawm chuan hnamdang Mizorama an awm theihna ILP neilo te ngawrh zawk a dapchhuah an rel.

Aizawl khawpui chhunga Sub-Divisional police Officer (SDPO) leh Police Station-a Officer-in-Charge(OC)-te telin, SP, Aizawl office-a Aizawl District Police Officer-te thukhawm chuan Bengal Eastern Frontier Regulations (BEFR. 1873 hnuai a Inner Line Permit (ILP) kenkawh mek dan an sawiho a, ILP ngawrh zawka endik turin ruahmanna siamin, Aizawl khawpui chhunga veng hrang hrangte a veng bil a theih ang a tuam ni se, hemi atan hian veng bil Local Council leh NGO hrang hrangte pawh phungbawm a sawm ni se; an ti.

He huna tarlan anih danin, nimin atang a September ni 11 thleng aw h tur, CAPF. SSF leh Assam Rifle Rifleman lakna kal mek, "Combined Recruitment Rally avanga intlar tur candidate 7422 lai Aizawl a an rawn fuankhawm mek chuan ILP dilna a tih tam mai bakah khawlaiah veivak a tihtam thu sawiin, sipai intlar tur a lo lut thalaite hi, sipailak a zawh chuan mahni awmna lama haw leh mai tur a ngaih an nih thu sawilan a ni. He thil avang hian ngaihthatlohna tur a awmloah an ngai a, hetiang a recruitment rally lian a awm leh dawn chuan, candidate ten a tlachawp a ILP dil lo in, online a dil theihna hrilhhriat ni se harsatna tam tak a sutkian a rinawm thu pawh sawilan a ni.

Thenawm state-a ramdangmi hnawhchhuahna kal mek ah Assam-a an hmalakna district atanga Mizorama loo lut an awm hriat a la nih loh thu sawilan a ni baw k a. Amaherawhchu, fimkhur thuah erawh ILP checking beihpui thlak lai in uluk lehzual a hmalak ni se an ti a ni.



MNF PARTY PR

MNF MLA pathum Pu R Rohmingliana, Pu Rasik Mohan Chakma leh Pi Prova Chakma te chuan an MLA pui Pu Lalrintluanga Sailo (L) bial thin Dampa South Block khaw hrang hrang hrang an tlawh a.

MNF MLA pathumte hian tun dinhmunah Dampa bialin bialtu MLA nei rih loh mahse, an theih ang angin Dampa bial mipuite chu buaipui a, tanpui zel an tum thu an sawi a. An bialtu MLA thin Pu Lalrintluanga Sailo ang maia bialtu MLA tha an neih leh ngei an beisei thu an sawi baw k a, Dampa South bial mipuite harsatna a bikin hmuhphian hralhna chu a theih ang anga House-ah te lo aupui an tum thu mipuite hi an hrilh a ni.

Kan corr report lo ngaithla ang.

VC

Bialtu MLA Pu Lalrintluanga Sailo in a thihsan Dampa bial hian MLA thlan tur By Election a hmabak a, Election Commission chuan inthlan hun hi a la puang lo a, political party te pawhin he bial-a ding tur an candidate te hming an la puang lo a ni.

Hetihlai hian, By Election neih tur atana sorkar inbuatsaihna erawh ngawrh taka kalpui a ni a, EVM/VVPAT First Level Checking neih chu zawh fel a ni a, EVM/VVPAT te hi vehimna tha tak hnuaia awm turin Strong room-ah dah fel an ni.

Dampa bialah hian Polling Station 41 awmin Voter Mipa 10397, Hmeichhia 9961 an vaiin mi 20358 an awm mek a ni.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve ah Chanchinthar puan leh a ni ang.

<><><>

ONLINE GAMING BILL

Parliament chuan Online Gaming Bill 2025 a pass a, vawiin khan Rajya Sabha inkhawm chuan a pawm ve leh a ni.

The Promotion and Regulation of Online Gaming Bill 2025 hi nimin khan Information and Broadcasting Minister Ashwini Vaishnaw chuan Lok Sabha ah a pu lut a, sawiho a nih hnuah Lok Sabha chuan a pass a ni.

Online Gaming chu thalaite tana hmasawnna tur zawk leh changkaw zawka siam ani tih sawiin sum inthapna leh diklo taka lak an khap thung a, hremna na tak a awm tawh dawn a ni a ti.

Electronic and IT Minister Ashwini Vaishnaw chuan online money gaming chu mihring hriselna in a tuar theih thu sawiin, money gaming vangin in chhungkaw engemaw zatin sum lam ah harsatna an tawh phah tih sawiin, Minister chuan Money gaming chuan sum leh pai lam a inbumna a thlen nasat thu a sawi bawk a. Online games avangin kum tin in mi vaibelchhe 45 velin cheng vaibelchhe engemaw zat an hloh thin ni a chhut a ni a ti bawk.

Minister Vaishnaw chuan bill hian kawh 3 a neih thu sawiin, chungte chu E sports, Online Social games leh online money games te an ni a, sawrkar chuan E sports leh online social gaming hmasawnna turin hma a la dawn tih a sawi.

Mizorama Social Activist Pu Lalhriatrenga Chhangte chuan Sawrkar laipuiin Online Gaming Bill a rawn chhawpchuak chu thalaite tana hmasawnna thar thlen tu a ni a ti a, Online Gaming kaltlangin thalaiten hlawkna tha zawk leh dik taka sum an lakluh theih nan sawrkarin dan mumal tak a siam a, pawisa khelhna anga diklo taka sum lakluh an tum nasat thin avangin chhungkaw tam tak leh thalai nun tam tak a chhiat phah a, hei hi sawrkar chuan ti tawpin mumal zawkin a kalpui tawh dawn tih a sawi.

<><><>

VICE PRESIDENT ELECTION

I.N.D.I.A. bloc Vice President Candidate, Supreme Court Judge hlui B Sudershan Reddy chuan vawiin khan Parliament House-ah nomination a thehlut a,

He hunah hian Congress President Mallikarjun Kharge, Congress Hruaitu Sonia Gandhi, NCP hruaitu Sharad Pawar leh hruaitu dang te an tel a ni.

Vice president thlanna hi thlaleh september ni 9 ah neih a ni dawn a, NDA aiawh in Vice President chuh tur hian CP Radharishnan chuan nimin khan nomination a thehlut bawk a, chuh tumte hming leh an lehkha pawimawh thehluhte naktukah endik a ni anga, tun thla ni 25 thleng inhnukdawk duh tan hun hawn a ni.

Vice President Jagdeep Dhankar a’n ahriselna chhuanlama banna a thehluh tak vang in inthlanna hi neih tur a ni a, Vice President inthlan vawi 17-na a ni dawn a ni a, Lok Sabha leh Rajya Sabha member ten an thlang ang.

<><><>

EAM

External Affairs Minister Dr S Jaishankar leh Russia ram External Affairs Minister Sergey Lavrov te chu vawiin khan Russia ah an inkawm. Dr S Jaishankar chuan an inkawmna chu ram pahnih te inlaichinna leh thawhdun zel dan tur chungchang anih thu sawiin, Indopui pahnihna hnua ram 2 thawhdunna nghet tak chu khawvel hriat tham a ni a ti.

Minister pahnih te chuan kawng hrang hranga ram hmasawn nan an thawhduh tur thu sawiin, Russia a India bungraw thawnluh pawh tih pun leh zual a ni ang an ti a ni.

